

中華民國二十三年十二月

川陝鄂邊防記

國民政府軍事委員會委員長南昌行營印行

中央訓練團東北崗勵志社誌念

電訊班第三隊隊長蔣蔭棠

中華民國二十三年十二月

川 陝 鄂 邊 防 記

國民政府軍事委員會委員長南昌行營印發

非 賣 品

國民政府軍事委員會委員長南昌行營印發

中華民國二十三年十二月

序

從來用兵者先貴設防故以瞭然於山川險要爲急務吾國內地阨塞星羅而最稱險要者莫如四川陝西湖北三省之邊區其間壤地毗連犬牙相錯山谷阻深榛莽彌望緜亘千數百里盜匪往往踞之爲逋逃藪自唐季五代宋元明清以來盤踞稱亂者不一而足撻伐所及竄擾時虞緣該處險阻紛岐便於踰伏匪徒縋幽鑿險視爲故常追剿則動形障碍故戡定之期有經數載或十數載者

可見用兵將官平時對於邊防不能不加意講求而亟應瞭然於險要之所在也況今赤匪餘孽到處窮竄深爲可慮尤宜未雨綢繆茲閱嚴樂園氏三省邊防備覽一書紀載翔實條理分明其於邊境險阨因地設防之指不啻再三致意其書作於鎮山南閬夔鄭宜時故稱三省邊防備覽茲更名爲川陝鄂邊防記重付剞劂用備借鏡焉

中華民國二十三年十一月 蔣中正

川陝鄂邊防記原序

嘗讀賈長沙策惜其卓議名論思患豫防竟阻於絳灌不之用至武帝時其策果行終漢世果無復藩國之患設使當文帝時早用之七國不至以從逆終後之人必且議書生過激之論徒託於虛矣豈知仁人君子之用心第求國計民生陰受其福詎忍幸事變而沽已名哉今讀嚴樂園方伯三省邊防備覽深嘆其飭武籌邊用心有合於長沙惜乎行之未遠賁志以歿不能不重鋟之以廣其傳也三省者何陝西四川湖北也其邊境毗連犬牙相錯實爲坤輿之奧區高山長林綿亘千數百里彌望蒼鬱竟日不見人煙附近省民利其地廣賦輕徭負而至佃山結屋墾土開荒土著目之曰新民其地鹽米食物較他省價減十之五失業游民與避饑棚民往往以此爲逋逃藪游民有資則私販趨利折本則羣聚爲非賭竊拐騙無所不至其爲棚民者扶老攜幼盈千累百擇肥勒食一餐石米伊自號曰喫大戶大戶曰伊曰挨兵供之則慮力有不能拂之則

恐禍且立至其地距縣治動輒一二百里民不堪二者之擾稟官捕治陝追則逸之蜀蜀追則逸之楚路歧如麻人竄似梭咫尺隔省彼此守令均有鞭長莫及之嘆此緝捕之所以不能立獲也然此猶其小者也其尤黠者有紅錢黑錢大五帽頂諸名色其結黨數十人或數百人羽翼既多各習拳棍刀鎗以資捍護或夜劫富民或晝搶場鎮先約遇兵役追捕不許散黨如事急衆議散去始各逃竄如未議而一二人先散者衆共戮之以此其藝既精其黨亦固小則拒捕抗官大則揭竿謀逆甚或碁布要害公然爲犄角之勢官師憤志撲誅多用兵則艱於轉餉少用兵則莫制鴟張致煩士馬戡定經年累歲然後以次削平之稽之五代唐宋不勝枚舉姑以起滅於勝國者約舉之以概其前可也明成化時劉通蠢動於房縣其黨李原王洪王彪擾及川陝藉非項嘉興忠討之原陽城傑撫之滋蔓直不知底止正德時保寧賊藍廷瑞自稱順天王鄆本恕自稱刮地王十萬餘衆延蔓川陝湖廣藉非洪錢塘鍾彭世麟設計誘擒其蹂躪更不堪言矣自時厥後在陝西時則有何冕嘯聚西鄉星子山淡文省盤踞金

州王莽山李三貢固紫陽高峯寨在四川時則有劉烈爲盜於保甯曹甫焚掠於營蓬喻思順竄擾於通巴在湖廣時則有荼毒鄖西之楊文政巢窟房縣之王斌盜聚巴東之黃中所在掠地刦民大肆屠戮哀我子遺旣無牛種自廢耕耘千里炊絕斗米十金無論被搶之地元氣盡耗即附近州縣亦疲於奔命固圉弗遑矣其最勞撻伐者則崇禎時之李白成張獻忠當二賊乘亂竊據於三省也其時殺戮之慘從古未聞幸賴大兵弔伐元惡伏誅而流毒餘氛處處刦掠陝有劉二虎小紅狼分踞興安寧羌一帶川有姚黃十三家盜弄於保順達夔一帶湖廣有郝搖旗馬黨塔楊明啟竄屯於房竹大甯一帶千數百里之提封莫非鴟獍縱橫之所直至康熙二三十年漸取其類而殲旃凡此皆明之餘毒見於史志可考此外旋起旋撲爲害不烈者尙不能僂指悉述也我朝混一函夏以德綏民薄海內外來享來王間有一二梗化天兵所指無不如摧枯拉朽獨此三省邊疆在嘉慶初則有白蓮教匪之變最稽天討當時合滿漢軍數十萬勦撫五六年之久不克奏功卒恃龔太守景瀚堅壁清野之議始能制奔

豕之命未及一年非逃即擒而大慙生縛於闕下屈指底定以來迄今并有餘年矣痛定思痛不能不爲懲羹吹齏之謀凡以談虎色變身受其害最深也間嘗求此三省邊境所以治少亂多之故說者謂狐兔易於踰伏攻之難而守之易其實揆厥所由總因防禦日弛撫字不勤之所致然則曲突徙薪烏可不早爲計耶今雖邊烽久熄民氣恬熙而山深箝密向爲匪人久踞之區保無有漏網遺孽冷灰復然乎保無有顛木由孽旁生側發乎是以今上御極之年大吏奏請仿前明專設鄖撫例以總其成以資彈壓時三省督撫條奏改陝西甌坪縣丞爲撫民通判四川湖北各要隘均更定有差永雨綢繆誠有鑒前此黨聚竊發艱難百戰爲能正本塞源也余時山居聞之喜甚卽欲輯教匪滋事始末彙成一書以爲殷鑒徒以冗務纏縛卒卒未果不意方伯時作行人竟先爲之晴窗披覽見其自輿圖以至藝文洪纖畢具直如家留侯之借箸而謀馬伏波之聚米爲山大旨總在因地設防用垂久遠所謂布置在乎審勢權變貴乎因時洵爲安邊大猷也第其中有二三錯譌與搜采未備者不辭固陋竊就見聞

所及爲之分訂分增於其後誠使莅乎此者果能酌古準今遵其防撫或如龔
遂之治渤海或如張綱之治廣陵不過需賢能數十員分布其間可以安坐而
治矣昔人云亂之旣成數名將制之而不足亂之未成一循吏撫之而有餘安
見古今人不相及耶然此論出必有從而議其後者一則謂更張適以擾民一
則謂迂闊徒抱杞憂夫議之誠是矣特以一命之吏身荷君恩苟利國計民生
則成敗毀譽豈所暇顧即或以攘臂不靖責之竊謂方伯已蹈長沙之覆轍余
又何敢求免物議只有俯首受之而已矣

時道光己丑秋八月例授承德郎制科孝廉方正辛巳恩科舉人癸酉科拔貢
四川候補直隸州州判安康張鵬勳補山氏題於成都雙樺精舍

川陝鄂邊防記 原序

六

川陝鄂邊防記原引

山南閬夔宜鄖坤興興區也山谷阻深三楚兩粵滇黔流徙之民多寄籍其間五方雜處國家旣勤撫治而所爲立之防者亦倍嚴於他處余官山南二十餘年嘗從事川楚邊地於身所經歷僚友士民所博訪草有三省山內風土雜誌邊境道路考顧摩盾吮毫未能詳核也辛巳春奉官保礪堂制府檄同川陝湖北三省委員查勘邊境自春孟至夏仲藏事於往時所未經歷者得流覽焉於曾經歷者得再至三至焉而共事諸君子蜀則述軒李君古山陸君楚則朗軒倪君汧谷范君秦則六琴方君夢禪陳君或舊勳戎幕或久宦巖疆皆能洞達時務而練習乎邊事爰諮爰詢各出身所經歷互相參考蓋皆有得焉昔人稱明侯氏加地楚黔邊哨疆域考凡於當時所已設施與夫山川險要所當續爲之備與謀之而未及措注者分條細數罔不詳載其思患預防爲甚遠遂不覺其言之長也余竊有志焉迺合風土雜誌道路考增以往日見聞所未到思慮

所未周輯爲備覽一書區以輿圖道路水道險要民食山貨軍制策略史論藝文十門爲書一十四卷夫今昔情形不同則規畫亦異安必今之所云足備採擇哉然時事萬變而山川終古依然覽乎此者當亦得又安邊疆之一助矣
時道光二年歲在壬午仲春月穀旦瀨江嚴如煜識

川陝鄂邊防記

道路考上

淑江嚴如曾輯
安康張鵬鵬梓

道路考

漢中府南鄭縣

東四十里 柳林舖三十里 城固縣平原坦途

南二十里 祖師殿三十里 牟家壩二十里 青石關南鄭巡檢駐此三十里 回軍壩二十里 天池

子二十里 羊圈關四里 省通江縣界山路陡險

山牟家壩東二十里 關爺廟十五里 法慈院東南行六十里 花石梁入川要卡

山牟家壩西四十里 紅廟塘

山牟家壩南五十里 梅子壩

山牟家壩西南七十里 廟壩

山牟家壩西北六十里 黃官嶺

西二十里 龍江舖二十里 長寧鎮屬褒城縣 黃沙驛屬沔縣 舊州舖二十里 沔縣共程

一百一十里
平原坦途

西南四十里 周家坪二十里 梁家營十里 黃官嶺計程七十里
平原坦途

北二十里 鍾家營二十里 褒城縣計程四十五里
平原坦途

東北二十里 乾溝坎四十里 汶川集屬城固縣 許家廟係往小河口路計程
八十里 平原坦途

褒城縣

東南至漢中府四十五里
平原坦途

北十里 鷄頭關十五里 麻坪寺二十里 青橋驛二十里 鋪二十里
里

馬道驛褒城縣巡檢 武曲鋪十五里 鐵佛殿十五里 武關驛屬留壩廳 新開嶺二十里
分防二十里

五里 留壩廳共程一百八十里 此路即北棧道 雞頭關
石磴盤紆下臨深澗為漢中北路要隘

西十五里 老道嶺二十里 新街子十里 黃沙驛屬沔縣 舊州鋪二十里 沔縣計程九十里
里

南二十里 長寧鎮渡江二十里 猴子嶺二十里 協水集三十里 黃官嶺褒城縣巡檢
里

巖河二十里 乾溝三十里 麥子坪山路入川省
里

里

西北三十里土地嶺三十里黃草坪三十里雲霧山二十里外壩河三十里余家河十五里
蔣家坪三十里流西溝二十里高坪場屬河縣東北界共程一百九十五里

留壩廳

東五十里上南河二十里漆樹溝十五里鐵礦溝十五里三元壩二十里兩河口十五里栗

子壩三十里平定關二十里小牛尾河十五里大牛尾河關老林頗爲幽險

東北三十里桃源舖三十里玉皇廟二十里西河口四十里拓栗園三十里

家三十里寇家關二十里苦竹街三十里白雲二百四十里交鳳縣界共程

東南五十里上南河六十里桅桿石梁二十里六官山屬城固縣十里大壩二十里小河口三十

里雙溪十五里石堰坪十五里土巖五里鷄冠巖二十里昇仙口十里許家廟里斗山二十里

城固縣共程二百八十五里

北三十里桃源舖二十里柴關嶺十五里松林驛十五里榆林舖十五里陳倉道口十五里南

星二十里廢邱關駐鳳縣三岔巡檢三岔驛十五里心紅舖十五里鳳嶺共程一百九十五里鳳高

峻上下險路五十里陳倉
小道過大石巖至鐵爐川

又北六十里玉皇廟三十蒿壩河二十研子壩二十平坎二十空罐子三十進

口關屬鳳縣沿溝而行夏秋鳳水漲易至梗阻

南路見褒城北路

西四十里棗木橋二十光化山三十鐵爐川共程九十里鐵爐川爲黑河之腦頂山路崎嶇

西北五十里陳倉道口三十里入陳倉道分水嶺十三道河二十瓦房壩屬鳳縣東岔

溝三十里顯神廟二十南家關二十里屬甘李家灣二十柳樹壩二十兩當縣

共程二百八十五黑山路極爲崎嶇

鳳縣

東三十里王家臺十五白家店十五五星臺十五草涼驛鳳縣巡檢駐此二十里

紅花舖十長橋十黃牛舖入寶雞縣江龍溝十里東河橋十煎茶坪二十觀音

堂十二里關二十大灣舖二十寶雞縣共程二百一十里關卽大散關石徑

盤紆甚爲險峻

南至留壩廳路見留壩廳之北